

# 中國風土志叢刊

● 廣東新語（下）

- ◇ 君鼎沿革
- ◇ 山川改易
- ◇ 古迹存亡
- ◇ 風俗演變
- ◇ 氣候變遷
- ◇ 鄙事俚語
- ◇ 人情掌故
- ◇ 城坊舊聞



廣東新語卷十九

分目

墳語

鼻天子冢

趙佗墓

任囂墓

楚冢

劉龔墓

劉銀墓

永福陵

楊太后陵

香頭墳

李子長墓

彭烈女墓

雙燕窩冢

丁公二子墳

山塲

塔

六祖髮塔

四塔

榴花塔

將軍墓

孝子墓

忠僮陳添桂墓

二烈婦墓

鳳陽縣志

卷一

風俗

厲布衣所相墳地

王將軍墓

畢孝女墓 戴節婦墓

廣東新語卷十九

番禺 屈大均 翁山 謨

墳語

鼻天子冢

始興縣南二十里有鼻天子冢或以爲象然象之  
稱天子何也史記云禹踐天子位堯子丹朱舜子  
商均皆有疆土以奉先祀服其服禮樂如之以客  
見天子天子弗臣象當時豈以天子之弟亦載天  
子旌旗爲禹賓客隱然有天子之望歟其或堯爲  
摯之弟代爲天子象當時亦嘗爲禹所讓幾幾有  
代位之事有鼻之人屬望因亦稱之爲天子歟山

廣東新語卷十九

墳語

海經稱丹朱曰帝則亦可稱象天子歟其葬始興也或當舜南巡狩象嘗朝見於南嶽因從舜以至曲江始興之間象薨卽葬於其地歟零陵縣令有鼻墟而道州亦稱有瘠地有瘠者何有鼻也豈有鼻之地甚廣自零陵至始興皆象之封內歟然舜嘗於曲江奏簫韶曲江在始興下流舜崩葬九疑而商均窆其陰大荒南經稱赤水之東蒼梧之野舜子商均所葬舜崩而子弟陪葬禮也始興密邇九疑何當時臣庶不以象陪葬抑象薨在舜陟方之先歟括地志爾鼻亭神在道縣北六十里相傳舜葬九疑象嘗至此後人因太祠名鼻亭神則

象薨於舜陟方之後可知矣傳曰舜葬蒼梧象爲之耕象舜之弟也耕者其爲兄守視祭田歟九州之大舜乃封象有鼻以爲其寢陵主豈舜故有神靈先知其將崩於蒼梧歟象旣篤友愛之情自宜遺命陪葬梧野今二冢相望數百里而遙豈舜神明之所安歟禮記曰舜葬蒼梧二妃不能從或謂二妃葬衡山衡山在零陵郡地去蒼梧不遠何當時二妃亦皆不得祔葬歟吾聞象有神靈宋時有掘鼻天子冢者見銅人數十擁笏列侍俄聞墓中擊鼓大呼噪懼弗敢入豈象時已有銅人殉葬之事歟然零陵嘗得白玉琯乃西王母所獻而舜以

虞夏書言／卷一／  
殉葬者則象冢中亦宜有異寶歟舜之親愛天下  
莫不聞知當蒸蒸父時象既爲舜所化必有功德  
於其國國人之不敢犯斯冢也自有虞時至宋亦  
云久矣舜崩四海喪之如考妣愛象者所以愛舜  
也舜放驩兜崇山以變南蠻考書疏崇山在衡嶺  
之間與有鼻不遠南蠻風俗於變爲中華意象必  
有力焉南裔之人爲之建祠廟守丘墓必不偶然  
予嘗欲至其冢大一豐碑書之曰古帝舜之弟有  
鼻國君之冢以示後人或曰按越滅吳遂有南海  
其後越爲楚所滅越王子孫自丹陽舉鄉人始興  
有鼻天子城其曰鼻天子墓者或越王子孫歟葬

始興曰稱墓曰臯天子不可知鼻者臯字之譌也  
曰天子者句踐大霸稱王其子孫因僭稱天子也  
則亦一說也

### 趙佗墓

南越武王趙佗相傳葬廣州禺山自鷄籠岡北至  
天井連山接嶺皆稱佗墓交廣春秋云佗生有奉  
制稱藩之節歿有秘異神密之墓是也孫權嘗遣  
交州從事吳瑜訪之莫知所在獨得明王嬰齊墓  
掘之玉匣珠襦黃金爲飾有玉璽金印三十六銅  
劍三爛若龍文而文王胡墓亦莫知其處佗墓後  
有大岡秦時占者言有天子氣始皇遣使者鑿破

此岡淩至二十餘丈流血數日今鑿處形似馬鞍  
名馬鞍岡其脈從南嶽至于大庾從大庾至于白  
雲千餘里間爲危峯大嶂者數百計來龍旣遠形  
勢雄大固空偏霸之氣所鍾也岡南至禺山十二  
里禺山南至番山五里二山相屬如長城南控滇  
海木棉松柏刺桐之屬一望蔥青實爲靈穴之所  
結故佗墓營焉自南漢劉龔鏟平二山積石於番  
爲朝元洞積沉香於禺爲清虛臺而地脈中斷然  
霸氣亦時時鬱勃元至正間廣州人林桂芳兵起  
稱羅平國南海人歐南喜兵起稱王又至元間增  
城人朱光卿兵起稱大金國他如邵宗愚王成輩

爭戰紛紜么麼艸竊是皆以東粵天險絕五嶺通  
二泮可以纂趙劉之業而抗中原也獨東莞何真  
灼知天命有歸不敢妄爲一州之主以禍生民誠  
爲識時俊傑也者洪武初永嘉侯朱亮祖戡定南  
粵於越秀山巔建望樓高二十餘丈以壓其氣歷  
二百餘年清平無事黃蕭養僭稱齊帝卽位五辛  
驛館踰月而亾蓋其驗焉嶺南形勢蓋與曩時大  
異風氣旣開嶠路四達梅開潢隘車馬周行瀧水  
灘川舟航交下雖有強兵勁馬戍守不給一夫奪  
險勢若山崩矣

任囂墓

鳳翔縣志

卷一

地理

四

任囂墓在南海縣西北二里墓上舊有廟今公今鎮海樓左但有三君祠一區祀囂及趙佗陸賈耳當始皇時南海尉屠睢以苛法鉗制粵人粵人不服乘秦人疲情潛出奇兵攻之遂破五軍囂至撫綏有道不敢以秦虎狼之威復加荒裔於是民尸稍稍安輯當是時秦北有蒙恬威讐漠庭南有任囂恩洽揚越而始皇乃得以自安其後項劉並起豪傑紛爭莫知所向而曰公乃教張耳曰漢王之入關也五星聚東井東井者秦分也先至必霸自曰公此說一倡而天下皆歸心漢矣囂亦善識天文能知五星餘氣及越門爲南方偏霸之象卒教

尉佗成其業故張耳之歸漢也以曰公而富貴數世尉佗之自大也以任囂而享國五傳是皆以天文決之

### 楚冢

光孝寺後有楚冢宋時有發之得寶玉劍佩之類予疑楚冢卽任囂冢蓋囂墓相傳在南海縣治西北二里光孝寺正其地也

### 劉龔墓

劉龔墓在番禺東二十里其地有南亭北亭海潮圍繞中不過十餘里墓在北亭洲旁疑卽昌華苑地也崇禎九年秋洲間有雷出奮而成穴一田父

見之投以石空空有聲乃內一雄鷄夜盡聞鷄鳴於是率子弟以入堂宇豁然珠簾半垂左右金案玉几備列有金人十二舉之重各十五六斤中二金像冕而坐若王與后重各五六十斤旁有學士十八以白銀爲之地皆金蠶珠貝所築旁有便房當窻一寶鏡大徑三尺光燭如白日寶硯一硯池中有一玉魚能遊動碧玉盤一以水滿注其中有二金魚影浮出他珍異物甚衆不可指識田父先持鏡歸光動隣舍亟撲碎之有一珠入夜輒作怪狀懼而棄之於是隣人覺而爭往遂白邑令令亟臨其地視搜發令得玉枕一金人四以歸玉枕作

臥虎形長可尺許大小珠見風悉化灰土口含之  
而出乃得完好承棺有黃金磚四棺旣斧碎有懷  
其髮齒以出者一碑當穴門中大辭稱高祖天皇  
大帝哀冊文翰林學士知制誥正議大夫尚書右  
丞相紫金袋臣盧應敕撰書其所爲大帝者崩  
于歲壬寅四月甲寅朔越廿四日丁丑號爲大有  
十五年葬以光天元年陵曰康陵蓋劉龔墓也龔  
者清海軍節度使劉隱之弟僞梁常封隱南海王  
隱卒龔嗣貞明三年僭稱帝于廣州改元乾亨國  
號大越又明年而更號漢其九年白龍見改元白  
龍龔初名儼至是復改名龔以應白龍之祥又二

唐書卷一百一十九

地理志

六

年楚師來侵龔懼以周易筮之遇大有復以大有  
稱元十有五年而龔卒子玠大改元光天龔卽俗  
所稱劉巖是也巖乃儼之亥文也考奇名編無劉  
儼名彼初實名巖後改龔其字爲儼故遂譌爲儼  
耳龔字爲巖特製取飛龍在天之義蓋效武后之  
作曩字也龔在位專以慘毒爲事所誅殺粵人若  
川管州歿後數百年粵人始得而甘心之所謂天  
道好還非邪尉佗有功德於民歿葬禺山人不忍  
言其故處仁與不仁之報蓋若是哉

## 劉鋹墓

劉鋹墓在韶州治北六里白虎山宋太祖嘗封鋹

爲南越王故亦曰越王山降王而得返葬故國如  
鍔者在昔無幾宋太祖之仁也

永福陵

宋端宗崩於硎洲時曾淵子克山陵使奉帝還殯  
于沙衝馬南寶家佯爲梓宮出葬其實永福陵在  
厓山也今新會壽星塘山中有陵迹五處以遺民  
隱諱故得免于會稽之禍予嘗訪其迹吊之曰一  
路松林接海天荒陵不見見寒煙年年寒食無尊  
處空向春山拜杜鵑又曰萬古遺民此恨長中華  
無地作邊牆可憐一代君臣骨不在黃沙卽白洋  
又曰北狩南巡總寂寥空畱杯土是前朝憑君莫

廣東新志卷十九

封言

七

種冬青樹恐有人來此射鵰

### 楊太后陵

楊太后陵在厓山海濱番禺張詡銘云朝閭夕廣  
提二弱孤依臣張陸爲宗社圖所奔波者趙氏塊  
肉今則亾矣伊疇之屬茫茫大海履之若無止見  
仁義不見其軀曹娥歿孝貞義歿信惟后歿之仁  
至義盡山陵峨峨尺土孔多六鰲擎負毋使隨波  
布政使劉大夏嘗過慈元陵泫然曰后歿國而弗  
祀義弗稱謀太廟厓門之上人感其意不日而就  
是爲全節廟

### 香頭墳